

SIDAAMU DAGOOMU QOQQOWI MOOTIMMA

AFFINI GAAZEXA

የሲዳማ ብሔራዊ ክልላዊ መንግሥት አፈኒ ጋዜጣ

SIDAAMA NATIONAL REGIONAL STATE AFFINI GAZETA

1^{kki} Diro Kiiro ...

Hawassa, Ella ... 2012 M.D

Sidaamu Dagoomu Qoqqowi
Mootimma Amaale Mini Alaalshi
Hundaani Fulinoho

በሲዳማ ብሔራዊ ክልላዊ መንግሥት
ምክር ቤት ጠባቂነት የወጣ

1ኛ ዓመት ቁጥር ...

ሀዋሳ ቀን ጳጉሜ ፯.፱

FURCHO

LALLAWU KIIRO 5/2012

Sidaamu Dagoomu Qoqqowi Mootimma Yooaanote Gashshooti Songo Urrisate

Lallawa Kiiro 05/2012”

Lallawu Kiiro 05/ 2012

Sidaamu Dagoomu Qoqqowi Mootimma Yooaanote Gashshooti Songo Urrisate

Lallawa

Bitima

Bayriidi Seerinni uurrinsoonna hira e’nannikki yoo aate biso gashshannohu umosi dandiino
Yooaanote Gashshooti Songo heedhannota seerronniha ikkasinni;

Yooaanote Gashshooti Songo yooaanotenna wole songotenni biiloo’mitannori qoossonna akati aana
illacha tugge loosatenni yooate loosi Bayriidi Seeri tuuqqa wodha-woronni massagamannoha,
giddoydinna gobbayidi hekkonni co’aawinoha, muishshanna mooraanchimma duqqannokkiha, mittu
widira dassitinokki yoo uynanniha, loosu amuraati noohanna dagate ammanamooshshe afi’rinoha
assate qeechasi fulannoha asse uurrisa hasiissinohura;

Mittu Waagi
ያንዱ ዋጋ

AFFINI GAAZEXI P.S.K
አፈኒ ጋዜጣ ፖ.ሣ.ቁ.
Web address: www.affinigazet.gov.et

Kaajjado amanyootu harunso harinsho qoqqowu yoo minna giddo xintantannonna amanyootu gashshooti hajubbano lifixa, gumaamenna dagate muli owaante aa dandiitanno garinni xinta hasiissinnota hedote giddo woratenni;

Sidaamu Dagoomu Qoqqowi Mootimma Baayiridi Seera quwa 48 cinaancho quwa (3) (a) hunda worroonni garinni konni worroonni nooha lallanboonni.

Gafa Mite

Xaphoomu Woro

Quwa 1. Harancho Su'ma

Konne lallawa “Sidaamu Dagoomu Qoqqowi Mootimma Yooaanote Gashshooti Songo Uurrisate lallawa kiiro ——— 2012M.D “ yine xawisa dandiinanni.

Quwa 2. Qaallate Tiro

Horosi garinni wole tiro aannoha ikka hoogiro konni lallawi giddo :-

1. **“Bayriidi seera”** yaa Eosi garinni Itiyophiyu Federalitte Dimokiraasitte Ripablike Bayriidi seera woy Sidaamu Dagoomu Qoqqowi Mootimma Bayriidi Seera Yaateeti.
2. **“Qoqqowo”** Yaa Sidaamu dagoomu qoqqowooti.
3. **“Amaalete Mine”** Yaa Sidaamu Dagoomu Qoqqowi Mootimma Amaale Mineeti.
4. **“Yoote mine”** Sidaamu Dagoomu Qoqqowi Mootimma Xaphoomu , Aliidinna Umi dirimi yoo mine xawisateeti.
5. **“Songo”** Yaa Qoqqowu Yooaanote Gashshooti Songo yaateeti.
6. **“Cinaancho Songo”** yaa Aliidi Yoo Mini deerrinni uurritinno yooaanote gashshooti Cinaancho Songooti.
7. **“ Disipiliinete Gaamo”** Yaa Xaphoomu Yoo Mini hundaanni uurrite Disipiliinete hajubba la'anno gaamooti.
8. **“ Pirezidaanticha”** Eosi garinni Xaphoomu, Aliidi nna Umi dirimi Yoo Mini Qaranna layinki Pirezidaante yaateeti.
9. **“Yooaancho”** Yaa Baayiridi Seeri Quwa 66 cinaanchu quwi 2 nna 3 garinni mootoonsinoonni yooaanchooti.

10. **“Songo mootoonsitinohu”** yaa Songo woy Cinaancho Songo biilloonye uyitannore:-
Xaphoomu Yoo Mini Pirezidaante Borro Mini Sooreessa, kaa’laancho Yooaancho, Rejistiraare, Gargarooshshu Ayaayyamancho, Yooaanchimmate wolambinnati nna xa’mamooshshi gashshooti borro minna Sooreeyye nna woloota ogeeyye yaateeti.
11. **“Disipiliinete huno”** yaa Disipiliinetenna amanyootu wodho aana hunote yine xawinsoonnire ikkanna : jaddotenni qaxxarama hunaancho ikke leella, gubbo adhatenna fiixoomittete loosa, gosoomitte, amma’no , koo-teemma , polotiku laooshshe kaima assatenni mitte woganera garimale kaa’le wole miicanna hajamaasine raateessano hanqaffannote.
12. **“ Luphiima Loosunna lifinxete laanfe”** yaa yooaanchimmate loosi aana ogimma xa’mitanno rosunna loosu dandoo woroonni ikkinnoha seeru nna coyi cu’mo soro loosa, woy korkaataame yanna aleenni tajete aana hajajo woy gumulo uyinikkini garimale keeshshiishanna woloota disipiliinetenna amanyootu wodho aana xawinsoonnire hanqaffanno.
13. **“Mancho”** yaa Ayeehano kalaqamunni manchi beetto ikkinnoha woy seerunni mannimmate qoosso uyinnonni bissa hanqafannoho.

Quwa 3. Loosansiishshu Mami-geeshsha

1. Kuni lallawi Qoqqowu Xaphoomu, Aliidinna Umi Dirimi Yoo Mine loossanno Pirezidaantooti, Yooaano, Songo mootoonsitannori nna wolootu loosaasine aana jeefamannoho.
2. Aleenni Cinaanchu quwi 1te aana xawinsi bissa disipillinete woy Amanyootu xe’ne qaxxaro shiqqeennansa hajo la’’antanno yannara loosunni gobbaanni ikkitannori aanano jeefamannoho.

Quwa 4. Koo-teemmate xawishsa

Konni lallawira Mitte koo-teemmanni xawinsoonniri wole kooteemmarano loosu aana hosannoho.

Gafa Lame

Sidaamu Dagoomu Qoqqowi Yooaanote Gashshooti Songo Urrisate Daafonna Tantanonsa

Quwa 5. Urrate Daaf

- 1) Sidaamu Dagoomu Qoqqowi Yooaanote Gashshooti Songo;

- a) Qoqqowu Yoo aanote gashshooti Songo,
- b) Xaphoomu yoo mini Disipiliinete Gaamonna,
- c) Aliidi Yoo Mini Cinaancho Songo yine konni lallawinni uurrinsoonni.

2. Sidaamu Dagoomu Qoqqowi Yooaanote Gashshooti Songo konni worooonni xawinsoonni tantano noose:-

1. Xaphphoomu Yoo Mini Derrira:

- a) Qoqqowu Yooaanote Gashshooti Songo
- b) Xaphoomu Yoo mini Disipiliinete Gaamo
- c) Yooaanchimmate wolambinaatinna xa'mammooshshi gashshooti borro mine.

2. Aliidi Yoo Mini Deerrira

a.Cinaancho Songo nna

b.Yooaanchimmate wolambinaatinna xa'mammooshshi gashshooti borro mineeti.

3.Songo hasiissanno yite ammanturo wole tantanono heedhasera dandiitanno

4.Songote woy Cinaancho Songora songo mootoonsitannori loosoho hassiissanno ogeeyyenna wole loosaasine heedhannose.

5.Songo loosu qineessate addi addi uurrinshu woy yannate geeshshi koomite uurrisidhara dandiitanno.

Quwa 6. Qoqqowu Yooaanote Gashshooti Songo miila

- 1) Qoqqowu Yooaanote Gashshooti Songo Yooaano rooriidi kiiro afidhe Amaalete Mini miillanno hanqaffe honsu miillani uurrinnote.
- 2) Qoqqowu Yooaanote Gashshooti Songo miilla aantete noore ikkitanno..
- a. Xaphoomu Yoo mini Pireezidaante:Gambisaanchoho
- b. Xaphoomu Yoo Mini 2ki Pireezidaante

...2kki gambisaancho

- c. Lamu Qoqqowu Amaalete Mini miilla (Ajayi ajeenna mitte meyaata ikka noose)
.....Miila
- d. Mittu Xaphoomu Yoo Mini YooaanchiMiila
- e. Mittu Aliidi Yoo Mini Pirezidaantemiila
- f. Mittu Xaphoomu Yoo mine loosannohu Songo Mootoonsitannohu miila
- g. Mittu Aliidi Yoo Mini Yooaanchi miila
- h. Mittu Umi Dirimi Yoo Mini Pirezidaantichi..... miila

3. Yooaanchimmate wolambinaatinna xa'mammooshshi gashshooti borro mine Sooreessi huuro aannokkiha Songote borreessaancho ikke loosanno.

4. Songote miila ikke dooraminno Aliidi Yoo mini Pirezidaante gobbaanni wolu Cinaancho Songo miila ikkinnohu Songorano miila ikka didandaanno. Hattono songote miila ikkinnohu aliidi yoo mini pirezidaantichi Cinaancho Songora gambisaancho ikke lainno hajo kadotenni daguro hattee hajora disomamanno.

5. Songote miili loosu yanna onte dirooti. Ikkollana mitto miila mitte doychora calla marro doora dandiinanni

Quwa 7. Qoqqowu Yooaanote Gashshooti Songo miila doorraanni gara

- 1. Konni lallawira quwa 6 cinaanchu quwi 2 fidale c hunda xawinsi Songote miilla Qoqqowu Amaale Mini riqiwannoha ikkanno.
- 2. Amaalete Mini konni quwira cinaanchu quwi 1te hunda xawinsoonna garinni Songote miila riqiwanno woyte aantete xawinsoonna bikkaancho kaima assa noosi:-
 - a) Amaalete Minira dooraminno miila ikka ,
 - b) Yooaanchimmate loosira woy seeru daafo ikkado egenno noosiha ikka,

- c) Yoote minna woyyaawinno deerrira reekkate kaajjado hasattonna kakkaoshshi noosiha ikka
- d) Meyaate beeqqaanchimma hedote gidido woratenni ikka noosi.
- e) Jawa loosu biilloonyinna jeefisiisaanchimmate loosi noonsakkire ikkituro woyyanno.

3. Songote miilla ikkitanno Pirezidaantoota, Yooaano nna songo mootoonsitannore deerri deerrinsara noo yoo minnanni Xaphoomu Yoo mini Pirezidantichi doorate worroonni bikkaanchi garinni file Somannoha ikkanno

4. Konni quwira cinaanchu quwi 3te xintinni Xaphoomu Yoo Mini Pirezidaantichi Songote miilla somanno woyte aantete xawinsoonni bikkaancho kaima assa noosi:

- a) Akatunna amanyootisinni wolootaho dancha lawishsha ikkinnoha;
- b) Jawa loosu dandoo, loosu jeefishshi gumanna loosu rosicho afi'rinnoha;
- c) Amanyootunna yooaanchimmate owaante wodho jeefishshira, loosu isilaanchimmanna yoote minna loosu harinsho woyyaabbara jawaata hasattonna halcho noosiha.

5. Mittu Songote Miili Babbaxxitinno korkaatubbanni xeiro somate biilloonye uyinoonni bisi bikkaancho kaima assatenni wole miila riqiwa dandaanno.

Quwa 8. Qoqqowu Yooaanote Gashshooti

Songo biilloonyenna loosu qeecha

- 1. Wolu seerinni worrooniri noo garinni hee'reenna Songote aantino roorrinna loosu qeechi noose.
 - a. Xaphoomu, Aliidi nna Umi dirimi Yoo minnara Yooaanchimmate loosira shiqqanno heewisamaano mereerinni ikkado ikkitinnore doortanno, mootoonsinanni gedeno Qoqqowu Amaale Minira shiqishshanno.
 - b. Aliidi Yoo Mini Qaranna layinki pirezidaante, Umi Dirimi Yoo Mini Qara Pirezidaantenna hattono hasiishshu garinni Umi dirimi Yoo mini layinki Pirezidaante Xaphoomu Yoo Mini Qaru Pirezidaantichi shiqishonni Mootoonsitanno, biilloonyunnino kayissanno.
 - c. Xaphoomu Yoo Mini Pirezidaante Borro Mini Sooreessa, Xaphoomu Yoo Mini deerrira loossannore

Songo Mootoonsitannore: Macciishshatenna Gumulate loosu harinsho massagaancho, Gaamote shilooti Qineessaancho, Wole loosu sooreeyye Xaphoomu Yoo Mini Pirezidaante shiqishonni Mootoonsitano, biilloonyunnino kayissanno.

d. Pirezidaantootu, Yooaanonna songo mootoonsitannori massagantanno disipiliinetenna amanyootu wodhonna loosu gumulsha keennanni biddissa fushshitanno.

e. Yooaano nna Songo mootoonsitannore aliidi deerrira noo yoo minna giddo ogeeyyete kiiro xe'ne kalaqanturo woriidi yoo minnanni guuta ikkitinnore filte mittu dirira gaamatenni loosiisa dandiitanno. konne jeefisate ikkanno tittirshu biddishshano fushsha dandiitanno .

f. Pirezidaantenniha, Yooaanonniha woy Songo mootoonsitano sooreyyenna ogeeyye aganu damoza, barri- hoshsho, deerru lopho, baychunni baycho soorra, gaama, loosunni geegiissa, diru fajjo yanna , hikkiminna minu kiranna nna wole hasiissanno horo aana gumullo sayissanno, loosu aana hosasino harunsitano, jeefisate injeessitano biddissubba fushshitanno.

g. Songo Fidale f hunda xawinsi bissa damoozanna wole horo gumultanno woyte qoqqowunnita ikonomete dhuka hedote giddo woranna jeefisiisaanote amaale mini borro mini ledi hasaawanna mala hasiissanno.

h. Songote nna Cinaancho Songo miilla barri hoshshonna babbaxxitinno horo bikka gumultanno.

i. Xaphoomu Yoo mini Disipiliinete Gaamo nna Cinaancho Songo amanyootunna disipiliinete huno aana uyitinno gumulo kadotenni la'e gumultanno. Konni garinni la'ne uyinanni gumulo kadonna woxaratto shiqqannokkite.

j. Yoote mininni riqiwantinno Songote miillanna Xaphoomu Yoo Mini Disipiliinete gaamo miilla, amanyootunna disipiliinete huno hajo la'annota yannate geeshshi disipiliinete gaamo sontanno.

k. Xaphoomu Yoo mini Disipiliinete Gaamo nna Cinaancho Songo amanyootunna disipiliinete huno hajo la'amate harinsho aana so'ro woy xe'ne noose yite ammanturo Pirezidaantiichu shiqishanno hedonni woy woxaratto kaima assatenni hajo umisewa shiqishshe la'ara dandiitanno.

l. Xaphoomu Yoo Mini Pirezidaantichi xiinxallote kaiminni shiqishanno loosu istiraateeje, pirograame nna loosu amanyooti harinsho aana buuxooshshe assite hedo wortanno.

- m. Qoqqowu Yoo Minnaha dirunnita loosu mixo jeefishshu ripoorte buuxxe hedo wortanno.
- n. Konne lallawa loosu aaana hosiisate kaa'litanno wodhonna Yooaano gashshate loosu garunni qineessate kaa'litanno bidissubba fushshitanno
- o. Bayriidi seeri ledo kiphamannokki garinni biilloonyise aaninni gama Cinaancho Songora riqiwotenni aa dandiitanno.
- p.. Seeru xintinni uyinanniha wole loosono jeefissano.
- 2. Konni quwira cinaanchu quwi 1 fidale i garinni Songo yooaanchu loosunni ho'lanno gedde sayissanno gumulo Qoqqowu Amaale Mine shiqqe kaajja noose.

Quwa 9. Qoqqowu Yooaanote Gashshooti Songo gambisaanchi roorrenna loosu qeecha

Garimma afi'rinno seerinni uyinoonnisi roorre noo garinni heedheenna songote gambisaanchira aantete xawinsoonni loosu qeechi noosi.

- 1.Songo gambooshsheho woshshanno,massaganono
- 2.Songo mootoonsitannoha file Songote shiqishanno.
- 3. Yooaanchimmate woy Songo mootoonsitanno gedde shiqqinnore heeshshote dhaggensa xawishsha qixxeesse massaganno songora shiqishanno.
- 4. Songo filtinno yooaano harancho heeshshote dhagge xawishsha qixxeesse Amaalete minira shiqishe mootoonsiisanno.
- 5.Yoote minnara wole hasiissanno tantano heedhuro xiinxallinanni gedde asse gumulote hedo songote shiqishanno, muro uyinirono jeefishsha harunsanno.
- 6. Wole Songo uyitanno loosu loosanno.

Quwa 10. Yooaanchimmate Wolambinaatinna Xa'mamooshshi Gashshooti Borro Mine.

- 1. Yooaanchimmate wolambinnati nna xa'mamooshshi gashshooti borro mini Xaphoomu Yoo Mini Pirezidaante hundaanni galannoha ikke Umisi borrote mini soorressi heerannosi .
- 2. Yooaanchimmate wolambinnati nna xa'mamooshshi gashshooti borro minira aantino loosu golla

heedhanose.

- a) Yooaanchimmate wolambinaati nna gashshooti loosu gola,
- b) Yooaanchimmate xa'mamooshshi, qorqorshinna nna kofeenya maciishshate loosu gola,

3. Aleenni cinaanchu quwi 1te worroonni golira massagaanonna wole loosoho hasiissanno ogeeyye heedhannose. Tittirshu biddissa songo fushshitanno

Quwa 11. Yooaanchimmate Wolambinaatinna Xa'mamooshshi Gashshooti Borro Mini Biilloonyenna Loosu Qeecha

1. Yooaanchimmate Wolambinaatinna Xa'mamooshshi Gashshooti Borro minira aantino roorrenna loosu qeechi noosi

- a) Yoote mini dagoomi amanyoote; yooaanchimmate loosi widhoworo bowirsatenna loosu budinna dagate soqqamaanchimma laooshshi bowiranno gede loosanno.
- b) Amanyootu xe'nera kaima ikkitara dandiitanno loosu harinshubbanna xe'ne noose asseraare aana xiinxallo assa, xe'ne taashshate irko ikkitano hedubba shiqisha; gumullanni woyteno loosu aana hosasi harunsa.
- c) Garimma afidhinno bissa ledi ikkatennni yoote mini dagoomi jiro borreessa, dagate faajje assa, konne jeefisateno injo uyitanno loosu harinsho xinta.
- d) Yooaanonna wolootu Songo mootoonsitannori gashshooti yannitte gashshootu harinsho garinni ikkanno gede ikkado xiinxallo assanna xaphoomu yoo mini pirezidaantera murete hedo shiqisha, gumullanni woyteno loosu aana hosiisa.
- e) Yooaanotenna Songo mootoonsitannorira aganu baatooshshenna addi addi horo aana xiinxallo asse gumulote hedo shiqisha.
- f) Qoqqowu Yoo Minna gidde amanyootu xe'ne gargarate, muishsha sharramate dandiissiissanno istirateeje qixeessa, kaajjanno woyteno loosu aana hosiisa
- g) Amanyootunna xe'ne afidhinno loosu massagate harinshubba daafo dagate baqkeenya aate loosu loosaa; konni ledi xaadinohunni taje gamba assa, borro attama nna hajo la'annonsa bissara iillisha.
- h) Gumulo afidhinno hajo taje aana gumulote gedeni qorqorsha assa konne loonsanni amanyooteno

xinta, gumulote gedeni qorqorshi guma kaima assatennino taala hasiissanosiri taalanno qaafo adhinanni gede assa.

- i) Koffeenya woy woxaratto haa'ranna, konnirano injaawinnonna xawo ikkinnohu loosu amanyooti heeranno gede assa.
 - j) Xaphoomu yoo mini yooaanonna songo biilloonsitannorire shota amanyootu huno xiinxalle gumulote hedo ledorrote mini sooreessira shiqisha.
 - k) Xaphoomu yoo mini cinaancho songo uyitinno gumulo aana koffeenyu heeriro kado haare harunsa.
 - l) Aliidi yoo mini Yooaanote wolambinnaatinna xa'mamooshshi gashshooti borro mininni shiqqanno kadote kofeenyubba haara.
 - m) Amanyootu hajubba aana aliidinna umi dirimi yoo minnara tekinkete kaa'lo assa, dhukansa kaajjishate kaa'lote loosu loosu.
 - n) Qoqqowu yoo minna amanyootu hajonna deerransa la'anohunni illaallisha assa, tajubba gamba assa, ripoortenna woyyaambete hedo shiqishanna gumullanni woyteno loosu aana hosasi harunsa.
 - o) pirezidaanticha amaalatenni nna amanyootu hajonna mussinnu gargarooshshi aana loossaano wole bissa ledor halame loosu.
 - p) . songo woy pirezidaantichu aannoha wole loosu loossanno.
2. Konni quwira cinaanchu quwi lte worroonnihu noowa hee'reenna yooaanchimmate wolambinaati nna xa'mamooshshi gashshooti borro mini Songote borro mine ikke aantete xawinsoonni loosono loossanno .

- A. Songote hasaawu umo qixxeessa
- B. Songote songaale amadanna garunni ofollanno gede assa
- C. Songote gumulo jeefisiisa
- D. Cinaancho Songora tekiniikete kaa'lo assa
- E. Songonnihanha songote miilla loosira injo kalaqa, tajubba garunni wora.

Quwa 12. Yooaanchimmate wolambinnati nna xa'mamooshshi gashshooti borro mini Sooreessi biilloonyenna loosu qeecha.

Borrote mini Sooreessi galannohu Xaphoomu Yoo mini Pirezidaantichi hundaanni ikke aantino biilloonyinna loosu qeechi noosi.

1. Massaganno borro mini hundaanni noo loosu massaganno, loosu jeefishshano illaallisanno..
2. Koni quwira ciaanchu quwi 1te noohu noowa hee'rena Songote borro mini loosi ledi xaandoohunni aantino loosu loosanno.
 - A. Songote gambisaanchi ledi amaalamanni songote hasaawu umo qixxeeesse shiqishanno, miillateno gambooshshu woshshatto sokka sayisaano
 - B. Songote Songaale borreessanno, yannitte ikkitonni amadanno.
 - C. Borrote mini mixo qixxxeeesse pirezidaantete shiqishanno kaajjanno woyteno loosu aana hosiisanno.
 - D. Loosu jeefishshi ripoorte pirezidaantete shiqishanno
 - E. Songotenni woy pirezidaantichunni aamamannoha wole loosono loosanno.

Quwa 13. Xaphoomu Yoo Mini Disipiliinete Gaamo Miilla.

1. Xaphoomu Yoo Mini disipiliinete gaamo hundimma xaphoomu Yoo Mini pirezidaantichira ikke aantete xawinsoonni miilla amaddinote;
 - a) Lame Xaphoomu Yoo Mini Yooaano nna
 - b) Mitto Xaphoomu Yoo Mini deerrira loosannoha songo mootoonsitinnoha.
2. Xaphoomu yoo mini disipiliinete gaamo miilla ikkite doo'rantannori konni lallawira Quwa 7 cinaancho quwa 4 fidale a-c geeshsha worroonni bikkaanchi garinni kkanno.
3. Xaphoomu Yoo Mini disipiliinete gaamo miilla ikkitanno yooaano xaphoomu yoo mini pirezidaantichi shoole yooaano doore qara songora shiqisheenna qara songono shiqqinnori giddo

roore huuro afidhinnore lame dooratennni sontanno.

4. Songo mootoonsitannoha xaphoomu yoo mini disipiliinete gaamo miila Xaphoomu yoo mini pirezidaantete shiqishonni Songo sontanno..

5. Miilla ikkite doorantinno yooaano mereerinni Songo mitto Yooaancha gaamote gambisaancha assite riqibbanno.

6. Xaphoomu Yoo mini disipiliinete gaamo miili loosu yanna onte dirooti. Ikkollana mitto miila mitte doychora calla marro doora dandiinanni.

7. Xaphoomu Yoo Mini disipiliinete gaamo milla addi addi korkaaatubbanni xe'uro doorsha assinanni geeshsha pirezidaantichu wole riqiwe loosiisa dandaanno.

Quwa 14. Xaphoomu Yoo Mini Disipiliinete gaamo biilloonyenna loosu qeecha.

Xaphoomu Yoo Mini disipiliinete gaamora aantino biilloonyinna loosu qeechi noose.

1. Xaphoomu Yoo Mini Yooaanchi, Songo mootoonsiteenna Xaphoomu Yoo Mine loossanno Massagaanonna ogeeyye, Aliidi Yoo Mini Pirezidaantooti nna Aliidi Yoo Mini Cinaancha Songora yoote mininni riqiwantanno miilla aana shiqqanno amanyootunna disipiliinete huno qaxxaro la'e gumultanno.

2. Songote borro mini sooreessi shota amanyootu xe'ne aana anno gumulo kadotenni la'e gumultanno. Tini gumulono goofimarchunnitanna kadonna wole woxaratto shiqqannokkite.

3. Amanyootu hajubba la'anohunni pirezidaantichu aannoha wole loosu loossanno.

Quwa 15. Xaphoomu Yoo Mini Disipiliinete Gaamo gambisaanchi biilloonyenna loosu qeecha.

Qoqqowu Xaphoomu Yoo Mini Disipiliinete Gaamo gambisaanchi galannohu pirezidaantichu hunda ikke ikke aantino billoonyinna loosu qeechi noosi.

1. Amanyootu nna disipiliinete hajubba haare massaganno songora shiqishanno.

2. gaamote miilla gambooshsheho woshshanno, massagannono.

3. Massaganno songo loosu qineessanno. Babbaxxitinno tajubba garunninna yannitte garinni

amadamase buuxxanno.

5. Massaganno songo loosu jeefishshi ripoorte qixxeesse pirezidaantichaho shiqishanno.

6. Pirezidaantichu aannoha wole loosu loosanno.

Quwa 16. Aliidi Yoo Mini Cinaancho Songo.

1. Cinaancho Songo aantete xawinsoonni miilla heedhannose.

a. Aliidi Yoo Mini Pirezidaante Gambisaancho

b. Aliidi Yoo Mini 2nki Pirezidaante

2nki gambisaaancho

c Mittu Qoqqowu Amaale mini Qaru Songaafichi riqiwannohu hakko qarqarini doorame Qoqqowu Amaale mini miilla ikkinnohu..... miilla

d. Mittu Aliidi Yoo mini Yooaanchimiilla

e. Mittu Umi Dirimi Yoo Mini Pirezidaantemiilla

f. Mittu Umi Dirimi Yoo Mini Yooaanchi.....miilla

g. Mittu Cinaancho Songo mootoonsiteenna aliidi yoo mine loosannohu miilla

2. Aliidi yoo mini Yooaanchimmate wolambinaati nna xa'mammooshshi gashshooti borro mini massagaanchi huuro noosikkiha ikke cinaancho songo borreessaanchooti.

3. Konni quwira cinaanchu quwi 1 fidale c hunda worrooni miilla daafo Hawaasi Quchumi Aliidi Yoo Mini Cinaancho Songo miilla la"annohunni Hawaasi Quchumi Gashshooti Amaale mini miilla mereerinni riqinbanniha ikkanno.

Quwa 17. Cinaancho Songo Miilla doorsha.

1. Quwa 16 cinaanchu quwi 1te fidale d-g geeshsha xawinsi songote miilla doorrannihu konni lallawira Quwa 7 cinaancho quwa 4 fidale a-c geeshsha worroonni bikkaanchi garinni kaima assate

ikkanno.

2. Miillate doorshino aantete noo garinni ikkanno.

a. Quwa 16 Cinaancho 1te fidale d-g geeshsha noo miilla Aliidi Yoo Mini Pirezidaantichi Aliidi nna hundasee noo Umi Dirimi Yoo Minna Yooaano mereerinni lame lame Yooaanonna Umi Dirimi Yoo Minna Pirezidaantooti mereerinni Lame Pirezidaantoota doore Songote shiqisheenna Qoqqowu Songonni rooriidi huuro afidhinnori Mittu Aliidi Yoo Mini Yooaanchi, Mittu Umi Dirimi Yoo Mini Pirezidaanchiti nna Yooaanchi miilla ikkitanno.

b. konni quwira cinaancho quwi 2 fidale a hunda seerrootniri noo garinni hee'reenna addi addi korkaatubbanni cinaancho songonni xeinno miili heeriro Songote xawisatenni Aliidi Yoo Mini Pirezidaante aantete heeeranno doorsha assina geeshsha bikkaancho wonshannoha gaame loosisara dandaanno

c. Konni lallawira Quwa 17 te cinaanchu quwi 1te fidale g hunda xawinsoonni miila Aliidi Yoo Mini Pirezidaantichi riqiwannoha ikkanno

d. Konni lallawira Quwa 17te cinaanchu quwi 1te fidale c nn cinaanchu quwi 3te hunda xawinsoonni miila doorsha la"annohunni konni lallawira aleenni quwa 7 cinaancho quwa 2 fidale a-e geeshsha xawinsoonni bikkaanchi garinni ikka noosi.

Quwa 18.Cinaancho Songo Biilloonyenna Loosu Qeecha.

Cinaancho Songo galtannohu Aliidi Yoo mini Pirezidaante hunda ikkite aantete xawinsoonni biilloonyinna loosu qeechi heerannose.

1. Aliidi Yoo Mini Yooaano, Umi Dirimi Yoo Mini Yooaano, Aliidi Yoo Minenna Umi dirimi yoo mine Songo mootoonsiteenna loossannorinna Umi Dirimi Yoo Minna Pirezidaantooti amanyootunna disipiliinete huno qaxxaro buuxxe gumultanno.

2. Aliidi Yoo Mininna Umi Dirimi Yoo Minna dagoomi amanyoote aliidimmatenni massagganno, harunsitanno.

3. Aliidi Yoo Mini Yooaanonna Songo mootoonsitannori deerru lopho la"anohunni noo wodho

garinni buuxxe kaimu hedo Songote shiqishshanno.

4. Umi dirimi yoo minna yooaanonna songo mootoonsitannoi baychunni baycho soorra nna gaame loosiisa la'anohunni noo wodho garinni gumultanno. Tenne gumulono qoqqoowu songora egensiissanno.

5. Yooaanote kiiro xeinonsa hundasee noo yoo minnara wolu yooaancho argetenni mittu diri geeshsha loosano gede Songote xawisse fajjinanni woyte loosiisanno.

7.. Aliidinna Umi dirimi yoo minna loosu mixo, baajetete xa'monna loosu ripoorte buuxxe xaphoomu yoo minira shiqishshanno.

8. Songotenni woy pirezidaantichunni uyinanniha wole loosu loossanno.

Quwa 19.Cinaancho Songo gambisaanchi biilloonyenna loosu qeecha.

Cinaancho Songo gambisaanchira aantete xawisnoonni biilloonyinna loosu qeechi hee'rannosi

1. Songote loosu massaganno, harunsannono.
2. Songote hasaawu umo qixxeessanno
- 3.Songo gambooshsheho woshshanno, gambooshshe massaganno.
4. Songote loosi mixo qixxeessanno, jeefisanno.
- 5.Cinaancho Songo uyitannoha wole loosu loossanno.

Quwa 20. Aliidi Yoo Mini Yooaanchimimate Wolambinaatinna Xa'mamooshshi Gashshooti Loosu harinsho.

1. Yooaanchimimate wolambinnati nna xa'mamooshshi gashshooti loosu harinsho Aliidi Yoo Mini Pirezidaante hundaanni galtannota ikkite umise massagaanchi heerannosi .
2. Yooaanchimimate wolambinnati nna xa'mamooshshi gashshooti loosu harinshora aantino loosu ogeeyye heedhanose.
 - a) Yooaanchimimate wolambinaati nna gashshooti loosu ogeeyye
 - b) Yooaanchimimate xa'mamooshshi, qorqorshinna nna kofeenya maciishshate loosu ogeeyyeeti,

Quwa 21. Aliidi Yoo mini Yooaanchimmate Wolambinaatinna Xa'mamooshshi Gashshooti Loosu Harinsho Biilloonyenna Loosu Qeecha

1. Yooaanchimmate Wolambinaatinna Xa'mamooshshi Gashshooti Loosu Harinshora aantino roorrenna loosu qeechi noosi
- a) Yoote mini dagoomi amanyootu; yooaanchimmate loosu widhoworo bowirsatenna loosu budinna dagate soqqamaanchimma laoshshi bowiranno gedde loosu.
- b) Amanyootu xe'nera kaima ikkitara dandiitanno loosu harinshubbanna xe'ne noose asseraare aana xiinxallo assa, xe'ne taashshate irko ikkitano hedubba shiqisha; gumullanni woyteno loosu aana hosasi harunsa.
- c) Garimma afidhinno bissa ledi ikkatennni yoote mini dagoomi jiro borreessa, dagate faajje assa, konne jeefisateno injo uyitanno loosu harinsho xinta.
- d) Yooaanonna wolootu Songo mootoonsitannori gashshooti yannitte gashshootu harinsho garinni ikkanno gedde ikkado xiinxallo assanna xaphoomu yoo mini pirezidaantera murete hedde shiqisha, gumullanni woyteno loosu aana hosiisa.
- e) Yooaanotenna Songo mootoonsitannorira aganu baatooshshenna addi addi horo aana xiinxallo asse gumulote hedde shiqisha.
- f) Hundasee noo Yoo Minna gidde amanyootu xe'ne gargarate, muishsha sharramate dandiissiissanno , istirateeje qixeessa, kaajjanno woyteno loosu aana hosiisa
- g) Amanyootunna xe'ne afidhinno loosu massagate harinshubba daafo dagate baqqeenya aate loosu loosu; konni ledi xaadinohunni taje gamba assa, borro attama nna hajo la'annonsa bissara iillisha.
- h) Gumulo afidhinno hajo taje aana gumulote gedeni qorqorsha assa konne loonsanni amanyooteno xinta, gumulote gedeni qorqorshi guma kaima assatennino taala hasiissanosiri taalanno qaafu adhinanni gedde assa.
- i) Koffeenya woy woxaratto haa'ranna, konniranoinjaawinnonna xawo ikkinnohu loosu amanyooti heeranno gedde assa
- j) Hundasee noo yoo mini yooaanonna songo biilloonsitannorire shota amanyootu huno xiinxalle

gumulote hedo ledo loosuharinsho massagaanchira shiqisha.

- k) Cinaancho songo uyitinno gumulo aana koffeenyu heeriro kado haare harunsa.
- l) Amanyootu hajubba aana umi dirimi yoo minnara tekinkete kaa'lo assa, dhukansa kaajjishate kaa'lote looso loosa.
- m) Hundasee noo yoo minna amanyootu hajonna deerransa la'anohunni illaallisha assa, tajubba gamba assa, ripoorrena woyyaambete hedo shiqishanna gumullanni woyteno loosu aana hosasi harunsa.
- n) Pireezidaanticha amaalatenni nna amanyootu hajonna muishshu gargarooshshi aana loossano wole bissa ledo halame loosa.
- o) Songo woy pireezidaantichu aannoha wole looso loossanno.

2. Konni quwira cinaanchu quwi 1te worroonnihu noowa hee'reenna yooaanchimmate wolambinaati nna xa'mamooshshi gashshooti Loosu harinsho cinaancho songo borro miniha aantete xawinsoonni loosono loosanno .

- a) Songote hasaawu umo qixxeessa
- b) Songote songaale amadanna garunni ofollanno gede assa
- c) Songote gumulo jeefisiisa
- d) Songonniha songote miilla loosira injo kalaqa, tajubba garunni wora.

Quwa 22. Yooaanchimmate wolambinnati nna xa'mamooshshi gashshooti loosu harinshoi massagaanchi biilloonyenna loosu qeecha.

Borrote mini Sooreessi galannohu aliidi Yoo mini Pireezidaantichi hundaanni ikke aantino biilloonyinna loosu qeechi noosi.

- 1. Borrote mini hundaanni noo looso aliidimmatenni massaganno, loosu jeefishshano illaallisanno..
- 2. Koni quwira cinaanchu quwi 1te noohu noowa hee'rena cinaancho Songorae borrote mine

ikke aantete noo loosu loosanno.

- a) Cinaancho Songo gambisaanchi ledi amaalamanni songote hasaawu umo qixxeesse shiqishanno, miillateno gambooshshu woshshatto sokka sayisaano
- b) Cinaancho Songo Songaale borreessanno, yannitte ikkitonni amadanno.
- c) Cinaancho Songo Borro mini mixo qixxeesse pirezidaantete shiqishanno kaajjanno woyteno loosu aana hosiisanno.
- d) Loosu jeefishshi ripoorte pirezidaantichaho shiqishanno
- e) Cinaancho Songonni woy pirezidaantichunni aamamannoha wole loosono loosanno.

Quwa 23. Umi dirimi yoo mini Yooaanchimmate Wolambinaatinna Xa'mammooshshi Gashshooti Ofiisere Loosu Qeecha

1. Umi dirimi yoo mini yooaanchimmate wolambinaatinna xa'mammooshshi gashshooti ofiiserichi galannohu Umi dirimi Yoo Mini Pirezidaantichi hunda ikke aantete xawinsoonni loosu qeechi hee'rannosi.

- a) Yoote mini dagoomi amanyootinna yooaanchimmate loosu wodhi woro bowirsatenna loosu budinna dagate soqqamaanchimma laoshshi bowiranno gede loosanno.
- b) Amanyootu xe'nera kaima ikkitara dandiitanno loosu harinshubbanna xe'ne noose loosu harinsho aana xiinxallo assa; xe'ne taashshate irko ikitano hedubba shiqisha gumullanni woyteno loosu aaana hosasi harunsa.
- c) Garimma afidhinno bissa ledi ikkatennni yoote mini dagoomi jiro borreessa, dagate faajje assa, konne jeefisateno injo uyitanno loosu harinsho xinta.
- d) Umi dirimi yoo miniha amanyootu xe'ne gargarate nna muishsha sharramate dandiissiissanno , istirateeje qixeessa, kaajjanno woyteno loosu aana hosiisa
- e) Amanyootunna xe'ne afidhinno loosu massagate harinsho daafo dagate baqeeny aate loosu loosu, konni ledi xaadinohunni taje gamba assa, borro attama nna hajo la'annonsa bissara iillisha.
- f) Gumulo afidhinno hajo taje aana gumulote-gedeni qorqorsha assa konne loosanni amanyooteno

xinta,gumulote gedeni qorqorshi guma kaima assatennino taala hasiissanosiri taalanno qaafo adhinanni gede assa.

- g) koffee nya woy woxaratto haaranna, konnirano injaawinnonna xawo ikkinnohu loosu amanyooti heeranno gede assa.
- h) Umi dirimi yoo mini yooaanonna songo mootoonsitannorire shota amanyootu huno xiinxalle gumulote hedo ledi pirezidantichahaw shiqisha.
- i) Pirezidaanticha amaalatenni nna amanyootu hajonna muishshu gargarooshshi aana loossano wole bissa ledi halame loosu.
- j) Pirezidaantichu aannoha wole loosu loossanno.

Quwa 24. Qoqqowu Yooano gashshoti woy xaphoomu yoo mini disipiliinete gaamo woy Cinaancho Songoti Gambooshshunna Loosu Yanna.

1. Songo woy disipiliinete gaamo woy Cinaancho Songo aganunni mitte higge uurrinshshu gamboshshe assitanno. Ikkeennano hasiise leelliro gambisaanchu aye yannarano wiinamu gambooshshe woshshara dandaanno.
2. Songo woy disipiliinete gaamo woy Cinaancho Songo milla giddonni Bocu aleenni gambooshshu yannara leelliro songo guutate.
3. Ayeetino Songote woy disipiliinete gaamonniti woy cinaancho songo gumulo gambooshsheho leeltinno millanni rooriidi huuronni gumulantanno. Ikkeennano huuro taalo ikkituro gambisaanchu huuro noo ragi hedo jeefantanno.
4. Disipiliinete qaxxaro aanasi shiqqinnosihu songote woy disipiliinete gaamo woy cinaancho songo miila ikkinno yooaanchi hajosi la”antanno woyte miillomittetenni songote ofolla didandaanno.
5. Songote woy disipiliinete gaamora woy cinaancho songora gambooshshe harisate amanyootu wodho heedhara dandiitanno.

Quwa 25. Songote woy disipiliinete gaamonni woy Cinaancho Songo Miilloomittenni Kayisiissanno Korkaatubba.

1. Aantino korkaatubba Songote woy disipiliinete gaamo woy Cinaancho Songo miila miilloomittetenni ka”anno gede assa dandiitanno
 - a) Songote woy disipiliinete gaamora woy cinaancho songora owaante aate worroonniti loosu yanna gooffuro
 - b) Addi addi korkaatinni loosu aguriro
 - c) Deerru lophonni woy dargu soorronni wolu baychira songote woy disipiliinete gaamonni woy cinaancho songo qooxeessinni ha’riro.
 - d) Miilloomitete gadachosi garunni fula hoogasi Songo buuxxuro.
 - e) Jawa amanyootu woy disipiliinete hunonni qorichamiro
2. Songote woy disipiliinete gaamo woy cinaancho songo miili Aye korkaatinnino yawosi garunni fula hoogiro songo woy cinaancho songo basesinni hooltara woy ho’lanno gede riqibbinnosi uurrinsha xa’ma dandiitanno.
3. Konni quwira cinaanchu quwi 1te xintinni songote woy disipiliinete gaamo woy cinaancho songo miili xeanno woyte isi baycho riqinbanni miila doorrannihu doorate worroonni bikkaanchi garinni ikkanno.

Gafa Sase

Pirezidaantoota, Yooaanonna Songo mootoonsitannore mootoona, loosunni hoola.

26. Xaphoomu Yoo Mini Pirezidaantichanna Laayiinki Pirezidaanticha Mootooonsa.

1. Xaphoomu Yoo Minihi Qarunna laayiinki pirezidaantooti Sidaamu Dagoomu Qoqqowi Mootimma Pirezidaantichi shiqisheenna Amaalete mini mootoonsanno.
2. Konni quwira cinaanchu quwi 1 hunda worroonnihi noo gedeenni heereenna Sidaamu Qoqqowu Mootimma Pirezidaantichi qoqqowoho xaphoomu yoo minire qaranna laayinki Pirezidaantoota filanno woyite:

- a) Jawa seeru egennonna danchu amuraati noore ikkansa;
- b) Qoqqowu Yoota Minnata mixonna sokka loosu aana hosiisate gashshootu dandoo noore ikkansa;
- c) Seeru ogeessimmani hattono dandaamiha ikkiro yooaanchimmatenni loosu rosichi noosiha ikkasi buuxa hasiissanno.

27. Aliidi Yoo Mininna Umi Dirimi Yoo Mini Pirezidaantoota mootoonsinanni Gara.

1. Aliidi yoo mini uminna layinki pirezidaantoota hattono Umi dirimi yoo mini pirezidaantichanna hasiishshu garinni layinki pirezidaanticha qoqqowu yoota minna yooaano mereerinni Xaphoomu yoo mini pirezidaantichi file shiqisheenna Songo mootoonsitanno.
2. Konni quwira cinaanchu quwi 1te xawinsoonnihu noowa heerenna xaphoomu yoo mini pirezidaantichi Aliidi yoo mininna Umi dirimi yoo mini pirezidaanticha filanno woyte guunte, massagate dandoo, rosu qixxaawonna loosu jeefo gara hedote giddo wora noosi.
3. Aliidi yoo mininna Umi dirimi yoo mini pirezidaantichi massagate laanfe, amanyootu xe'ne woy loosu jeefo xe'ne leellishiro qoqqowu pirezidaantichi shiqishonni Songote gumuloni biilloonyunni ka'ara dandaanno.

Quwa 28. Pirezidaantootu Galtinno Gara

1. Sasunku deerrira noo yoo minnara uminsa Pirezidaantooti heedhannonsa.
2. Qoqqowoho noo yoo minna Pirezidaantooti galtannohu aane noo garinniiti:
 - a) Xaphoomu yoo mini Pirezidaantichi Amaalete mini hunda galanno.
 - b) Xaphoomu Yoo mini Laayinki Pirezidaantichi Qaru Pirezidaantichinna Amaalete Mini hunda galanno.
 - c) Aliidi yoo mini Pirezidaantichi Xaphoomu Yoo Mini Pirezidaantichi hunda galanno.
 - d) Aliidi Yoo Mini Layinki Pirezidaantichi Aliidi yoo mini Qaru pirezidaantichi hunda galanno.
 - e) Umi dirimi Yoo Mini Pirezidaantichi Aliidi yoo mini Pirezidaantichi hunda galanno.
 - f) Umi dirimi Yoo Mini layinki Pirezidaantichi Umi dirimi Yoo Mini pirezidaantichi hunda galanno.

Quwa 29. Yooaano mootoonsate gara

- 1) Xaphoomu yoo mini, Aliidi yoo mininna umi dirimi yoo mini yooaano qoqqowu yooaante gashshooti Songo shiqishonni Qoqqowu Amaale Mine mootonsinanni.
- 2) Xaphoomu yoo minihanna Aliidi yoo mini yooaancha Amaalete mine shiqinshe mootoonsate albaanni Federaalete yooaano Gashshooti Songo hedo uyiitanno gedde xa'minanni. Songo

uyiitino hedo heedhuro borrote xawishshi ledo Amaalete minira shiqa noose.

- 3) Cinaanchu Quwi 2te hunda worroonnihi heero Federaalete yooaanote gashshooti songo sasu agani giddo hedonsa aa hoogguro Qoqqowu amaale mini biilloonye kaajjishanno.

Quwa 30. Yooaanchu ikke dooramate bikkaancho:

1) Aantete xawinsoonnire wonshannoha aye manchono:-

- a) Itophiyu qansicha ikkinnoha
- b) Gobboomunna qoqqowu bayriidi seerira Amanamannoha
- c) Seeru rosu golinni rose maassaminoha nna ikkado loosu rosicho afi'rinnoha. Tittirshu wodhotenni gumulamanno.
- d) Qoqqowunniha loosu afoo coyi'ra, macciishsha, nabbawanna borreessa dandaannoha.
- e) Danchu akatinna loosu bilchaantesinni egenaminnoha
- f) Yooaanchu ikke loosate fajjamaancho ikkinnoha
- g) Dirisi Umi dirimi yoo minira 25ni, Aliidi Yoo minira 28ni Xaphoomu yoo minira 32 ni ajinokkihi.
- h) Jaddote qaxxarama hunaancho ikkinokkiha woy hunaanchema ringe hoolloonnaaha ikkasi tajetenni xawinsoonnsiha.
- i) Babbaxxitinno jangaleessitanno xagga woy ikkitubbanna loosoho guficho ikkanno amalinni keeraa'minnoha.
- j) Yooanchimmate loosu jeefisate dandaannokki assaahu fayyimmate xe'ne noosikkiha.

Yooaanchu assine biilloonsa dandiinanni.

- 2) Konni quwi cinaanchu quwi 1^{te} noohu noo garinni heereenna aye manchino qoqqowu mootimma seera fushshate, seera jeefisate bissa woy polotiku uurrinsha miila ikke loosanno yannara yooanchimmate loosu xalle loosa didaandaanno, hattono yooaanchu assine mootoonsa didandiinanni.

- 3) Konni quwira cinaanchu quwi 2te hunda xawinsoonnihu noowa hee'reenna looso hanafasira albaanni harancho yanna yooaanchimmate qajeelshsha uyinannisi gede assa dandiinanni.

Quwa 31. Songo mootoonsitanno loosira ikkado ikkate Bikkaancho:

1. Konni lallawira quwa 30 cinaachu quwi 1 fidale a,b,c,e,f,i,j,k hunda xawinsoonni bikkaanchi songo mootositannori aanano jeefamannoreeti.
2. Konni quwira cinaanchu quwi 1te xawinsoonnihu noowa hee'reenna songo mootonsitannori aana loosoho hossannore ledote hasiishshubba wodhotenni gumula dandiinanni..

Quwa 32. Woyyo Ea Lainohunni

1. Ayee Yooaanchino loososi hanafasira albaanni Qoqqowu Amaale Mine shiqe aantino woyyo ea hasiissannosi.
“Ani Ka/la B/Ba _____ techo barrinni yooaanchi ikke gaamame looso'ya hanafeemo woyte gobboomunna qoqqowinke bayriidi seerira ammanamaanchi ikkatenni aana'ya tungoonnita jawa dagate yawo suwashshu woodaninni, Jawaantetenni, bilchaatetenninna seeru xintinna coichu tii”inni calla jeefisate qaale e”emmo.
2. Aliidinna Umi dirimi Yoo Minna pirezidaantootinna layinki pirezidaantooti, Songo mootoonsitanno ogeeyyeno loosonsa hanafansara albaanni mootoonsitannonsa songowa woy cinaancho songowa shiqqe eannohu qaaluu woyyo e'anno.

Quwa 33. Yooaanote Wolambinaatenna Qoosso.

- 1) Yooaanchu yooaanchimmate loososi ayiino hi'ra eisikkinni loosanno, seeru nna coicha tii”isi gobbaanni wollurichinni dimassagamanno.
- 2) Aye Yooaanchi:-
 - a) Jawa jaddo loosanna cirunkunni amadama hoogi geeshsha woy Qoqqowu Amaale mini Ammaninno hajonni qaxxaramate qoossosi ka'anote gobbaanni diamadamanno diqaxxaramanno.
 - b) Konni lallawira quwa 17te seerroonnihu noo garinni hee'reenna songote woy cinaancho songo gumulo gobbaanni loosisinni di”ittisamanno.

- c) Disipiliinete qaxxaro aanasi shiqqusiro qaxxarote borro aana xawinsoonni naqaashe la'ate, farciraanoteno xa'mo shiqishatenna gargadhate qoosso noosi.
- d) Seerunni gumulloonniha diru fajjo damoozunku ledi afi'rate qoosso noosi.
- e) Diru fajjosi yannara loosanno yooaanchimmate loosira ikkado baatooshshe afi'rate qoosso noosi. Tittiro songo fushshitanno biddissinni gumullanni.

3) Konni quwira cinaanchu quwi 2/ fidale b,c d nna e hunda seerroonni songote woy cinnancho songonni mootonsinanniri aanano jeefamanno.

Quwa 34. Loosunni geegissanna geegote borro aate gara.

(1) Ayee deerrira loosanno yooaanchu woy songo mootoonsitannoha loosunni hoollannihu :

- a) Looso agura hasiiranno woyte 2 aganira albaanni borrote qorophishsha Songote aatenni, woy
- b) Dirisi 60 wo'miro woy
- c) Xissote korkaatinni loososi loosa dandaanokkita buunxiro woy
- d) Disipiliinetenna amanyootu wodho garinni jawa disipiliinete hunaancho ikkiro woy
- e) luphiima loosu dandoonna lifinxe hooginnota songo buuxxe gumultoro callati.

(2) Konni quwira cinaanchu quwi 1 fidale a hunda xawinsoonnihi heerirone disipiliinete qaxxaro aanasi shiqqinoha ikkiro geegote borro adha dandiinayihu disipiliinete hajo la'ante gumulo afidhu gedenooniiti.

(3) Konni quwira cinaanchu quwi 1 fidale a xintinni looso agurate xa'mo shiqishannohu qoqqowu xaphoomu yoo mini Pireezidaante woy 2nki Pireezidante ikkiro looso agurasira albaanni lamu agani borrote qorophishsha Qoqqowu Mootimma Pireezidaantera shiqisha, aliidinna umi deerri yoo minna pirezidaante ikkituro Songote qorophisha aa hasiissannonsa.

(4) Ikkeennano cinaancho quwa 3te worronniria xaphoomu yoo mini pirezidaante yooaanchimate loososino mitteenni agurate hasirinnoha ikkiro borrote qorophisha Songoteno shiqisha noosi.

- (5) Konni quwi cinaanchu quwi 2 xintinni xa'mo shiqinnosi bisi borrote qorophishi iillitusi yannanni hanafi yoote minira yannate geeshsha sooreessa gaame kae looso agurate fajjo taje aanno.
- (6) Konni quwira cinaanchu quwi 1 fidale d nna e hunda xawinsoonni gumulo songote woy cinnaanchu songonni mootoonsinoonire la'annote gobbaani yooaanote aana jeefisha afidhannohu amaalet mine shiqqe kaajjiturooti.
- (7) Konni quwira cinaanchu quwi 1 fidale e hunda xawinsoonire Pireezidaantichu woy 2nki Pireezidantichi luphiima loosu dandoonna lifinxe anje ledi xaadannoha ikkiro qoqqowu mootimma Pireezidantichi shiqishonni Amaalete mini gumulannoha ikkanno.
- (8). konni quwira cinnanchu quwi 1fidale a hunda xawinsoonni yanna wo'mituro qaru pirezidaantichi borrote geegiishsha aanno. Ikkirono lame agana agarsiisannokki ikkadu korkaati hee'riro songo lame agana agartukinni geegiissa dandiitanno.
- (9).Geegote borro amado tittiro wodhotenni gumullanni.

Quwa 35. Ittishsha Uyinanni Ikituwa

- (1) Songo, disipiliinete gaamo woy cinaanchu songo gumulo uyitanno yanna geeshsha yooaanchu woy songo mootoonsitanno ogeessi loosinno yine qaxxarroonni hajo jawa disipilinete qorichinni qorichishannota ikkituro hajo la'anno songo woy disipiliinete gaamo loosu ittishsha aara dandaanno.
- (2) Ittishshu damoozunku ledi ikkiro yooaanchu umisi korkaatinni ikka hoogiro gumulo lamu agani giddo aamama hasiissanose. Ikkollana damoozu ittishshi bikki bocu aleenni ikka dinosi.

Gafa shoole

Addi Addi woro

Quwa 36. Ku'laato shiqishate daafo

1. Aye manchi yooaanchu woy songo mootonsitannohu jeefisanno disipillinete woy

amanyootu xe'nera ku'laato woy qummeessa borrotenni garimma afidhinno songora shiqisha dandaanno.

2. Ku'laato woy qummeessu kayinni halaalu aana xintaminohanna naqaashetanni irkisammoha ikka noosi.
3. Ku'laato woy qummeessu anfanni hee'ne, dancha su'ma hunatenna garimale jaddo loonsoha lawisiisate shiqinshoonniha ikkiro ku'laanchu woy qummeessa shiqishihu jaddote seerira seerroonni garinni xa'mamanno gede garimma afidhinno songo hajo la'annonsa bissara sayissara dandiitanno.

Quwa 37. Yooaanote diru fajjo yanna

1. Yooanchoho mittu diri giddo lamu agani diru fajjo yanna heedhannosi.
2. Meyaa yooanchora shoolu agani ilate fajjonna labbaa yooanchira tonne loosu barrubba annimmate fajjo heedhannonsa.
3. Aleenni xawinsoonni fajjote hajubbara tittirshu biddissa Songo fushshitanno.

Quwa 38. Songote, disipiliinete gaamo woy cinaancho Songo gumulo Jeefisa.

Songo, disipiliinete gaamo woy Cinaancho songo seerunni uyinoonni roorre garinni sayissanno gumulo ayee manchi, uurrinsha, mootimmae bissa nna biilto ayirrisatenna jeefisate gadadi noonsa.

Quwa 39. Loosu aana Hossannokki seerubba

Konni lallawi ledi kibbamannohu aye seeri, wodho, biddissi gumulo woy loosu harinsho konni lallawira xawinsoonni hajubba aana loosu aana dihosanno.

Quwa 40. Reekkote Woro.

1. konne lallawa fushshate albaanni qoqqowu yoo minna giddo yooaanchimmate mootoonsineenna loossanni noo yooaano haaru garinni mootoonsanna qaale eessa hasiissukki mootoo'mitinno deerrira yooaanchimmate loosinsanni suffanno.
2. Cinaancho quwi 1te worroonihu noowa hee'reenna xaphoomu yoo mini pirezidaantichi wodiidi daga dagoominna manni qoqqowi mootimma xaphoomu yoo mine loossanni keeshshitinore Sidaamu Dagoomu Qoqqowi Mootimma loosu afoo dandiitannore file

xaphoomu yoo mini shilootta tantana dandaanno.

3. Konni albaanni aliidi yoo minna noikkiwa Xaphoomu yoo mini yooaanote gashshooti songo aliidi yoo minna tantantanno.

4. konne lallawa fushshate albaanni aliidinna umi dirimma yoo mini uminna layinki pirezidaantoota ikkita loossanni noori Songo uurrata geeshsha loossanni noo yoo minnara mootimmansanni suffanno.

Quwa 41. Wodhonna biddissa fushshate roorre

1. Konne lallawa harunsine fushinanni wodho jeefisate ikkanno biddissubba xaphoomu yoo mini yooaanote gashshooti songo fushshitara dandiitanno.

Quwa 42. Lallawu kaajjanno yanna

Kuni lallawi Sidaamu Dagoomu Qoqqowi Mootimma Amaale mine shiqe kaajji barrinni hanafe loosu aana hosannoho.

Desta Ledamo

Sidaamu Dagoomu Qoqqowi Mootimma Pirezidaanticha

Hawaasa, Ella 2012 M.D.